



Von Reinicken Fuchs/

Als Lamp vnd auch Bellin die beyden/
 Jezundt wolten von mir scheiden/
 War mir das Hertz so mächtig schwer/
 Denn ich liebt diese beyde sehr/
 Noch hett ich mich doch nicht versehen/
 Daß solche that solt seyn geschehen.
 Solche vnd dergleichen wort /
 Da jederman von Reinicken hort/
 Damit er ihm den König macht
 Gnedig/ vnd auch glauben bracht/
 Den andern die da stunden bey.
 Drumb sprach der König: Reinicken frey
 Solt ihr forthin wandern vnd jagen/
 Vnd ernstlich nach den Kleinoten fragen/
 Mein hülf sol euch stets sein bereit/
 Mögt ihr dauon bringen bescheidt.
 Reinicken sprach: Gnediger Herz/
 Kein weg sol mir nun sein zu ferz/
 Kein nacht zu tuncel oder lang/
 Daß ich nicht nach den Kleinoten gang/
 Es sol so gantz leer nicht abgehen/
 Ich wil etwas dauon verstehen.
 Da Reinicken also geredet hett/
 Isengrin zuher tretten thet.
 Er sprach Gnediger König Herz/
 Glaubt ihr nun Reinicken aber mehr/
 Der euch so manchmal hat betrogen/
 Alldas er redt ist erlogen/
 Fürwar ich lass es nicht geschehen/
 Daß er also wolt hinweg gehen.
 Drey stück hab ich noch vber ihu/
 Zu flagen ich laß ihu nicht hin.

357

355

361

351

366

346

306

256

Ende

Anfang